

۱۳۴۰

والله يهدي من يشاء الى صراط مستقيم

دینی ، علمی ، ادبی ، سیاسی ہفتہ لک مجموعہ اسلامیہ در

اتبعون اهدکم سبیل الرشاد

صاحب و مدیر مسئول : ع . اشرف اویس

جلد ۲ - ۹

۲۷ قانون اول ۱۳۲۸

نخستین

٢٠ محرم ١٣٣١

٢٢٦ - ٨٨ ج٢

ایتدی امام تلاوت قرآنه استدار .
نهدی اوآنده دویدیم آثار انشراح ؟
نهدی اوآنده ، روحی سرمست ایدن فرح ؟
ایتمزییم بو معبد فیاضه انجذاب ؛
روح آلیر طورور ایکن اذواق بی حساب ؟
انسانه هپ او یرده در عالمده انشراح ،
رحمت ، مقارنت ، شفقت ، مغفرت ، فلاح .

قیلدق نمازی ، آل آچهرق رب عزته
یالواردم ، آغلادم او قریب الاجابته ؛
ای کائناته بخش وجود ایلهین الله !
بخش ایله مسلمانلره بر فکر انتباه !
حو ایله سن شو عالم اسلامی قایلایان
دیجور یأس وقسوتی ؛ یاربی آغلایان
طولار ایچون ، یتیم قالان یاورولر ایچون ،
رحم ایله مسلمانلری چیکنتمه بوسبوتون !
چوقدر کناهمز بزم البت ؛ فقط سنک
یحد محیط عفویکه نسبتله ذره نك
اولسونمی حکمی ؛ آی بویوک الله بز سکا
کلدک ، دخالت ایلوروز باب لطفکله .
رحم ایله آی الهمز اوکسوز قالانلره ؛

بخش ایت ظفر ، ظفر دیلهین مسلمانلره .
چیکنتمه دین پا ککلی اعدای دینکله !
قیردیرمه مسلمانلریکی ملحدینکله !

قوتیه : ابن حازم

نعم



نوحه !

نهدر بوطالع مظلم ، بونکیت ای ملت !
نهدن خسار دمامم بوملك ایچین عادت ؟
مأل خط سیاه جینمز می عجب ،
ضیاع دائمی عین اسف ایله رؤیت ؟
بواولسه کشکده ، عین اسفله باقسه یدق ..
کیدهدی پیش نظردن غشاوة غفلت .
نهدر بوغفلتمز ، جهلمز ، عطالتمز ؛
نهدن بومرتبه اولدق اسیر سفلیت ؟
بوکون اوتانمالی بز ، اوشانی ماضیدن ..
بوکونکی شینه یابانچی اوشان پرنسپوت .
هانی او ، اورویانک اویدیکی درعالی ؟
هانی او حاکم عالم اریکه حشمت ؟
هانی ده کیزلره آمر شیبی بارباروسک ؛
هانی صوقوللویه بکزر مدبر دولت ؟
هانی اوصاعقلر یاغدیران سیوف غرا ؟
هانی اوکشور آلان فارسان ذی هیبت ؟
هانی او علم وادیده وحید اولان علما ؟

هانی او فن وهنده افاضل صنعت ؟
هانی اوملك وسیع ورفاه وآسایش ؟
هانی اوقدر وشکوه ووقار وحیثیت ؟
نهدر بوبزده کی درد وبلاى روز افزون ؟
الهی ! یوقی بزمنین نهایت خیبت ؟
نهاسکی شان ، نه شجاعت ، نه فن ، نه صنعت وار .
وطنسه اولماده حیفا اجانبه قسمت !
یه تیشمیور ایچمزده نه دنسه برفاضل ؟
بلايه باق : یه تیشملرده ایلور رحلت !
وطنله برکیدییور انقراضه فکر وذاکا ؛
افولی مدحتک ایشته بوقوله برجت .
یازیق اومهر مساعی غروب ایدوب کیتدی ؛
یرنده قالدی قاپانماز عمیق برظلمت !
چالیشدی نصف عصردن زیاده ، نشر ایتدی
جهان غفلته برچوق مأثرغیرت ،
اویاندیروب شو وطننده مطالعه هوسی
شو خلق عاطله ایتدی حقیقه خدمت .
کچیردی عمرینی یازمق ، اوقوتق اوزره بوتون ؛
ایریندی مکتب ایچنده خیانه غایت .
روان پاکی بولوب التقای روحانی ،
خدا مقامنی قیلسین حدائق جنت .
دم وفاتی (غفران) ارأه ایتده در ؛
۱۳۳۱

بونکته اولسون الهی بشارت رحمت .

ظاهر الطولوی

تراجم احوال

شهید غیرت

- ۱ -

فاضل خوا م. من خالص افندی حضرتلری «ای جماعت مسلمین !
بو آدم شهید در . شهادتنه حضور رب العالمینده بن شاهدم .» دییه
مرحومی ترکیه ایدرکن هیچ شبهه یوقدرکه بو مملکتک بوتون
خاصه ایقانه ، صحت نظر و امعانه مالک قلوب سلیمه سنه ترجان
اولمشد .

مدحت ؛ بوچوراق طور اقدیه یتشدی ، بوچوراق طور اغه افاضه
قابلیت ایچون الهی بش سنه در چالیشدی ، هیچ طور مقسزین چالیشدی ،
عشق ایله چالیشدی : دینه بیلیرکه بزده ، صوک زمانلرده «وظیفه»
حسنی ؛ اونک قدر ای آکلامش و ای تطبیق ایتش پک آز کیسمه
طانتمشدر .

هیچ خاطرمدن چیقماز ؛ برکون مرحوم ، دارالفنون کرسیدسنده
برمناسبتله «وظیفه» ناموس دیمکدر . وظیفه سنی طانیایان ناموسسز
دیمکدر . «دییه سوزه باشلامشدی ؛ بونی او قدر کور و حدید
بر سس ایله ، او قدر قطعی و مثبت بر ادای اذعان ایله افاده ایتش

ایدی که حالا اونک حلاوت طینی ، ذوق تیغی شبکه احساساتمدن
برتورلو یاقاسنی قورتارامامشدر ؛ مدحت بونکله الهی بش ، آلتش بش
سنه لك بر حیات ورزشك پاك ومطرا برفذلكه سنی یامش اولویوردی .
فی الحقیقه مرحوم ؛ وظیفه سنی ناموسی ، ناموسنی وظیفه سنی طانیردی .
بونکچوندرکه او ، اصلا بر «ناموسسز» اولامادی ؛ چونکه اصلا
«وظیفه» سنی تحقیر ایتدی ، اصلا «وظیفه» سندن آیرلامادی و نهایت
اونک اوغورنده جانی فدا ایتدی ، اونک شهیدی اولدی . کلاک بویوک
بر ستایشخوانی ، اوصاف مزایایی اولان مدحت ؛ مشارالیهک :

وظیفه جان وتندندر مقدم

بزه افعالمزدر روح اعظم

دستور وجدان پسندینه کندی تعبیرنجه «بل باغلامشدی» .
مرحوم ، بزه خیر ایله ذکرینه وسیله اولاجق پک چوق فضائل
اخلاقیه ، سجایای کزیده براقهرق کیتدی : «اثر المرء عمره الثاني»
دیرلر ، اونک بر چوق ، کتبخانه لر طولوسی اثرلری واردر ؛ فقط
بونلرک اک بویوکی ، اک ابد یماسی او تزیه وانسانیت پیرا فطرتی در ،
بو قبهده شکران کار عکسلر تکوین ایده جک اولان «خوش صدا»
لریدر : غیرت ، اک معند و مقاوم بر غیرت ، متین و مجادل بر خلق ،
ناموس ایله مترادف بر عشق وظیفه . ایشته مدحت و مدحتک حیات
اخلاقیه سنی دراغوش ایدن نجیب خصلتلر ...

مَقَالَات

غرب مدینتک اسلامه صولتلی

شوکت اسلامیه آثار تدنی و انحطاط کوس-تردیگجه غربک اوقار ائلق، اوبی معنی مدنیت صلیبیه سی بسلیدیکی ازلی کین و غیظی بوتون بوتون فوران ایدرک اولانجه شدت تهووریه اسلامیه صولت ایدیور؛ فرط مستی ایله موازنه ادراکی غیب ایتش بدزبان بر سر خوش کبی آغزینه کان الک شنیع، الک فحش آلود تحقیرلی، دشناملی صاوورییور.

اولا شونی سولیهلم، که: لسان مدنیت؛ لسان ادب و فضیلت، لسان معرفت و انسانیت، لسان ناموس و حیثیتدر. لسان مدنیت اوله ایکنج لوئیات کلامدن، شرف و حیثیت انسانیتی تزییل ایده جک مستکرمه الفاظدن متبری در.

مدنیت، مادر انسانیتک بوتون اولادلیخی - بلا استثنا - تکریم و تحیل ایدر. هپسینی آغوش محبت و شفقتده سیان طوتار. اکر بواضعان بدیهی دکلده نظری ایسه ایشته اونکده دلیل واضحی: «ولقد کرمانا بنی آدم..... الایة» = شان عظمت و کبریامزه قسم، که بز آدم اوغلارلی مظهر تکریم و تشریف ایتدک. «نظم جلیل صمدانیسدر.

شمدی انصاف اولونسون، رداء مدنیتیه بورونمش غرب، اوشعش کالات پرورانه، اواحتشام معرفت کسترانه سیله برابر لسان مدنیتدن اسلامیت علینه چرکاسب و دشناملر صاچیور. مسلمانلری جاهل، عاجز، سیف قهری آلتده زبون کوردیکی ایچین اسلامیتک قلبنه قدر صوقولیور. اوزرینه زهرلر دوکیور. روحنی تسمیم ایدیور. ایشته غرب ادبی! غرب نزاهتی! صلیب مدنی!

اسلامیتی مدید بر ذور فتوح جهانگیرانه ایچنده بوتون آرایش شوکت واجلالیه یاشاتمش اولان اومسعود اعصارک بویوک مسلمانلرینه، اوبختیار ماضیک حقیقی قهرمانلرینه قارش لسان صلیب عجبا نیچین بر سکوت ابکمانه کوستریور، نهدن بویه بدبد خوموردانه میوردی؟ نهوت! چونکه مدنیتی مادی قوتدن، ظاهری شوکت و عظمتدن عبارت ظن ایدن صلیب، اومدهش قوه اسلام، اوجاهانی لرزه ناک خوف و هراس ایدن شوکت و عظمت توحید قارشیسنده دیزلرینک باغی جوزولش، زمین عجز و مسکنته دوشمشدی. صوکران کلن مسلمانلر - یاتی اونوتدیلر. حیات شوکت واجلالرینه قارش لاقید قالدیلر. کندیلرینی حیاتک درک اسفل حیوانیتنه آندیلر.

صلیبیلر ایسه بالعکس بر غیرت مفرطه ایله چالیشه رقیو کسلمکه، قوتجه، یعنی قوای مادیجه تفوقه باشلادیلر، و نهایت ایشته اسلامیتی - جهالت، عطالت و مسکنتلرله! - ورم ایدن بزاون دردنجی عصرک مسلمانلرینی

ابوالعلاء المعری، او حکیم السہی نوا:

اولو الفضل فی اوطانهم ضرباء

دیور. مدحتده بونک ماصدق حکمی اولدی. بوتون فضیلتلرینه، مزیتلرینه، خدا پیوند و پیامبر پسند غیرتلیرینه رغماً کندی وطننده «غریب» اولدی، «تغریب» ده ایدلدی: ادیب فطرت ادا مزما کف بک افندیکنک تعیرنجه «هانیا، زوالی حسبه» لله، هیچ یوقدن حقارت کوردی! «فقط پست و بی خبر محیطلردن، بعض عرفان بیوایه لرندن، متصلفیندن، کفار نعمتدن اوزرینه صیچرایان تحقیرلره، تزییقلره، حتی «سوکونتو» لره و یردیکی صوگ جواب بک صارم، بک رحمانی اولدی و بلکه بو صورتله دماغلرینه، قلبلرینه ذوق تلپلرینی قدا ایده مہین بعض بیچاره آغزاره بر لجام انصاف طاقه رقی مملکتیه صوگ بر خدمت داها کورمش، صوگ بر یادکار داها یراقش اولدی: مدحت، کیتدی، دارالشفقده سیفنه یتامی ده، آغوش وظیفه ده، کلمه شهادتی، قوت ایمانه، صفوت قلبنه اشهاد ایدرک جان و یر یوردی!

اوت مرحومی تحقیر ایتدیلر، تکفیر ایتدیلر؛ فقط بیرنجیلر؛ مملکتی بونک سویه معرفته - نه قدر ناچیز اولورسه اولسون - ارقا ایدنلرک الک یورولمز و داها زیاده حسبی «ایشجیسی»، «خواجہ اول» ی «مدحت» اولدوغنی خاطر لاق ایسته مدیلر؛ ایکنجیلر، مغفوری دینه خیانت ایله، کفر ایله اتهام ایتک پشند قوشان اوبرنوع «ایشسزلر» ایسه داها درین بر «کفران نعمت» غیاسنه دوشدیلر: چونکه کندیلرینک، دریغ ایمان بویوردقلری احمد مدحت قدر بودینه خدمت ایده مدکلرندن متعافل داواندیلر؛ بونی هیچ برکیمسه بی نه دلکیر، نه ده دلسیر ایتک ایچون دکل، فقط «عالم دین» اولغه نامزد کنجلمزک حضور بصیرتنه بر تقدمة انتباه اولق اوزره عرض ایدیورم. یوقسه بنم ایچون بواسکی دردلی ده شمک، بک تاب شکندر، هیچ اولمازسه ناخوش بر مشغله در.

فی الحقیقه مغفور مشارالیه، «مدافعه» لری، «نزاع علم و دین» ی، «بشائر صدق نبوت محمدیه» سی کبی اجل آثاریلہ «رساله حمیدیه» نک ترجمه سنه دلالت کبی دلائل خیراتیلہ بودینه محمودا عواقب خدمت ایتشدر؛ انقلابی متعاقب بونلری تتویج ایده جک نوار و انقلاب بکار بر خیره داها دلیل اولق ایسته دی؛ ذکر ی للعالمین اولان قرآن مینک تفسیرینه اولان احتیاج عظیمی آکلا تمق، بو کبی معظمت مسائلده حق کلامی دائره انحصارلرینه قاپیارق «نفس متکلم وحده» کچنمک ایسته ینلره دردینی دیکلتمک ایسته دی؛ بر معتاد تحقیر اولوندی، تجھیل اولوندی و نهایت عربجه ده اثبات جهل ایتک اوزره امتحانه دعوت اولوندی. مرحوم احتمال ایسته نیلیدیکی قدر عربجه بیلمزدی؛ فقط بو خود ناسنجانه دعوتہ تنزل اجابت ده کوستره مزدی!

عبد اللطیف نوزاد